

蘇魏公文集

萬靈署

蘇魏公文集卷一

宋太子太保右僕射同中書門下平章事司空魏國公蘇頌撰

逢年舜畊

商孫萬靈錫經重栞

晉爵耀庭

古律詩

進南郊大禮慶成詩狀

右臣伏以禮行於郊由古謂之大事祭得其道先聖著於格言皇帝陛下受命皇
穹繼昭仁考爰初纂嗣不忘丕承大報圉工恭展三年之禮祇見宗廟徧祀八世
之靈至於朝享道宮肆赦端闕奉事長樂尊上冊文惟是親行之儀莫非盛德之
事上意專懋熙事備成宜有咏歌被之金石臣幸塵詞館恭覩禮文思所以摠發
精微形容萬一愧無鴻筆藻潤之美徒有蕪音累句之慚出於至誠不敢自蔽謹
夙夜齋祓課成大禮慶成詩五首繕寫隨狀上進干瀆宸嚴臣無任惶懼屏營之
至謹奏

大禮慶成詩五首

惟宋五世將郊泰元祇若前典欽崇道尊其日吉午天時薄寒帝出齊寢朝神紫垣降輅就次被龍搢山禮薦蒼玉樂歌太安酌以瓊醴羞以靈殮颺御來格上誠益虔思我基命系於帝軒真祖膺符錫類貽孫皇繼其志受祉彌繁炎炎景厯億

萬斯年

右朝享
景靈宮

天命有宋系軒纂唐祖武宗文積厚流光奕奕清廟八祐同堂五時備饗百順儲祥皇帝孝思明發不忘躬執圭瓚再薦嘉觴公卿陟降鼎俎芬芳廣樂九變羣神迪嘗昭我先烈緝熙萬方永思繼述成不敢康始朝於廟詩歌嗣王列聖在天保

佑我皇

右薦享
於太廟

惟皇繼天宅位三禋靈德及遠嘉生茂遂仲冬月良一陽氣至上將告成禮嚴肆類自廟徂郊萬靈拱衛天收宿霧日麗佳氣月踰既望再登午陛對越蒼祇配以太帝奠玉酌匏升煙燎幣志盡虔恭備成熙事玉輿旋衡歡聲沸渭皇專乃誠下

蒙厥惠

右有事
於南郊

帝陟圜丘天降之祐嘉與士民均承福祚還御端闈躬布皇度維星驗占鵠書臚

句慶浹天淵恩霏雨露滌垢棄瑕鰓祖薄賦三泉靡封五刑幾措太和各塞羣心率籲自古無赦孰除註誤我朝本仁實清弊數救匪其私仁則有裕萬民以懷邦

基鞏固

右賜殿
宣德門

大孝尊親治本人倫自家之政所以刑民天正元日帝郊畢禮將崇母儀爰即嘉辰正朝乾闥羽衛星陳金石既作公卿薦臻帝步西序躬咨爾臣授以冊寶極其禮文羣官在位靡不歡欣謂天子孝感於人神祝天子年後於靈椿皇心匪懈聖慶惟新

右發冊
文德殿

元日鴻慶宮朝拜二十韻

皇祐三年任南
京留守推官

上國房心次仙都太紫微璧門開倣雉金闕立如輦昔聖躬三祀乘時動六飛奠圭渦曲已鳴蹕渙陽歸學號興王澤尊名象日畿經營原廟制度肇上天威祖系崇軒鼎宗枋奉漢衣豫遊恩甚盛謁款禮無違卻顧和鸞跡咸嗟歲序非璿源流永永堯德冠巍巍我后遵鴻烈聲明極範圍乾坤扶寶厯日月拱琳扉朝會元正始班聯內著依敎官風憲肅就列羽儀輝北面鸞分黨東隅斗轉機寒銷冰玉砌風繞大龍旂瑞色花藏露歡聲霧散霏未竣真館集遙仰帝陽晞至治尤遐邇先猷重發揮邦人徒望幸延首向端闈

恭和御製賞花釣魚

四照仙葩次第開上林重覩屬車來雨晴馳道紆天步風引濃香到壽杯瑞燕入

簷時拂掠恩魚窺釣更徘徊柏梁絕唱容賡綴獨愧非才亦與陪

恭和御製上元觀燈

元豐五年正月畢仲衍押
律高麗賜燕樓下賜詩

寶杯蓮燭艷宮臺萬戶千門五夜開樓下舞韶清吹發雲間鳴蹕翠華來九賓宴
集占風使四近班陞構夏材自媿周南獨留滯十三年隔侍臣杯

恭和御製賜太師致仕文彥博五言六韻詩一首

曉日清明霽華林物色新詔頒慈惠宴恩厚老成人衮冕三川客杯觴四府臣獻
酬同飽德愷樂盡含醇帝惜營邱去民思尹氏均宸章一褒賁道不愧如仁

恭和御製賜太師致仕文彥博七言四韻詩一首

出處逢時道不殊當年功立老閒居來膺綬冕三公命歸奉雲章五色書社稷元
臣名已遂山河雄鎮寵仍疏瓊林詔餞衣冠盛豈止都門百兩車

謝賜御書詩五言十二韻

聖學天攸縱宸文日又新因攜鏤牙管分賜挈囊臣玉几繙經暇瑤宮賜宴長清
躬忘盱眙宵藻出絲綸才賞唐詞客人稱賀李真開編掇風什灑翰落霜筠楷法
前無古書評妙入神良慚孤陋甚獲對寵光頻得異登牀誚藏過韞匱珍護持同
始卒荷戴等穹旻職幸聯藉筆憂常念負新惟勤黃卷業仰答大君仁

進皇帝初郊大禮慶成詩狀

右臣伏觀今月十四日皇帝躬祀南郊禮畢者三歲一郊漢唐以來為定制二儀並脩祖宗之世皆親行蓋王者謹於承天而經典重於饗帝國之大事茲實為先伏惟皇帝陛下稟堯舜之聰明監夏商之忠敬明德恤祀靡神而不宗精意曰裡無文而咸秩爰卜天正之吉躬修郊見之儀前詔攸司聿遵先典內則稟訓於文母外則詢謀於通臣稽皇祐舊章既兩行於崇祀案熙寧故事當合祭於圓丘尊泰元富媪之靈徧六宗羣神之祀義兼聖孝禮盡情文瑄玉嘉牲合二精於志物黃鐘太簇備六樂於神祈煙燎配黎而四施休氣鬱葱而竟夕膺萬壽而提百福叢慶於三宮暢九垓而沂八埏覃恩於庶物臣親逢熙旦叨領近司從警蹕之奔趨望廟止之陟降贊盛德之事雖莫究於儀形聽與人之言輒載屬於歌詠顧慚鄙俚難追謹訶謹夙夜齋戒賦成皇帝初郊大禮慶成七言二十韻律詩一首繕寫上進冒驕冕旒臣無任惶懼屏營之至謹奏

皇帝初郊大禮慶成詩

六帝貽謀聖繼明兩宮崇祀上躬行熙壇初展嚴禋報觀盥三終孝享成仰法祖宗尊本始致隆高厚罄純精告虔並薦圓方玉在滌交充蘭栗牲吉土兆南殊漢

時景圭迎至協周正羽旄備物甘泉伏醎陞層城委粟營齋寢累朝恩志意真廷
穀旦奉粢盛八神警蹕毆氛沴九狎梯航入貢菁過廟徂郊紆步武撤茵停蓋肅
公卿服裘尚質遵前製配冊修辭正重名篆鼎割烹工奏夏午階登降斗旋衡先
時非霧滋鱗隱竟夕祥光燭慢城鐘虞四廂庭樂畢樵蒸千石燎煙輕龍回雕輦
昇曉闕鶴負恩書下采楹海外鷄星占澤霈樓前鼉鼓震霆驚風雲氣應靈臺候
雷雨仁深犴圉清有昊感通欽輔德聿修勗畏念持盈旁求遺逸搜巖穴寬舍租
逋惠隸氓天錫泰元神策瑞民歌華黍歲豐聲老臣危從知何補敢次輿言頌太
平

恭謝慶成詩十韻

嘉祐元年九月代劉相作時二府皆有詩議者云皆不逮
劉公昔公聞之曰某久不事筆硯此親情蘇校勘所作也

人嘉其
不掩善

聖孝當天世繼明兩全能饗禮交行路朝躬款三年報齋寢先端七日誠穹厚博
臨通肸蠭祖宗嚴祀極專精冕章從質更新製鐘虞鏗純復舊聲
先是命禮官重
定衮冕制度務
從簡質仍詔用
舊樂以供祀事舞佾前陳徽烈茂燎煙升達上儀成不祈厚福歸諸己務達龐恩
及庶氓還御端闈享大號載頌元厯慶鴻名歡謠沸渭盈都輦協氣旁流浹海瀛
百辟旅庭紛獻抃四方延首效葵傾帝心虔輦常無怠億萬斯年享治平
終

蘇魏公文集卷二

宋太子太保右僕射同中書門下平章事司空魏國公蘇頌撰

逢年

裔孫萬靈重祿

耀庭

古詩

送鄭無忌南歸

我家本南閩處世若羈寓侍親從宦遊東西遷者屢因循歷年載未識南中路間
歲至都城始與里儒遇嘗聞閩中奇英雋所叢聚山川降靈氣稟有時魁梧往往
祥符中黃李稱獨步當時盛文物在廷充振鷺二子選其間軒軒並鍾驅得志何
所如康莊躍騏驎時文變新律高辭無累句人傳幼婦碑朝奏客卿賦奇器擅珪
璧至音有韶濩當宁喜同時士林爭景附淵澄或無魚木秀乃生蠹嗟哉士之賢
入朝嘗見惡叔才亦稍遷秘書觀四庫命窮時不偶伶仃獨翁孺名雖鼎甲貴官
止徒勞污蹉跎三十年困躓卒顛仆伊予生後時舉頭徒企慕鄭子乃其甥肖貌
何穎悟讀書博而詳措詞亦能鑄錫來至京國首與予款晤吾嘗念古昔人賢猶

愛樹况過賢之出何必緣雅素從遊遂無間往來靡常度近遭試秋官報罷不知
故飄飄嘆窮途歸索不能具當路少知己腹心誰可布我嗟近世人齷齪何足數
見善不能賊徒然用休嘆士有處憂困豈嘗一蒙顧勸君自求己何用頻齷齪還
家樂詩書養心益堅固無因一傷手迺欲改前措澤豹未成文尚能隱深霧齊禽
戢其翼久亦蒙傳羽去况子氣方剛丁辰年未暮勉勉信子言勤勤蹈前趣更想
渭陽賢懷道當有還王忱希范甯羊曇宗謝傳武子稱衛玠逢時迺騰鶩深源賞
康伯傳經有訓註子其慕斯人戒哉惇向素還來取高第擢後膺帝顧更發翁孺
名後來益垂裕作歌送子行子言豈虛諭

送王秀才出京

都城大雪酒價高我送故人傾濁醪酒闌置杯欲話別不覺中心生鬱陶丈夫聚
散豈為念所歎人事多徒勞憶昔我年未弱冠西來觀藝遊神皋金門獻賦嗟失
路因循四載何所遭京華碌碌少知己但聞嘲弄聲整整今年詔書恤西事大開
言路丞羣髦因思平生負氣樂臨事始可觀持操長纓羈敵豈無計策慮未獻徒
心忉感君壯志正凌厲術業沉究鈴與韜上書論畫兵家事直請西去親韃靼又
言若將衆十旅可為手足除紛搔踰時待報不聞命西秦便欲從遊遨束書攜劍

賢然去卻顧名利輕如毛我謂方今正急士帝言屢下搜英豪公卿悉意奉詔旨
推賢好善如干旄勸君失意且韜養有能必見時稱褒中朝列爵本馭衆進任將
相皆儒曹一時未遇何須歎吾輩豈久居蓬蒿

和邱與權秘校詠寶寄林成之進士

天下豈無寶此寶常曠乏渾然肖天質不與瑤璫雜萬產蓄精粹百靈常護押天
王得而興人世留豈盍問將安所施邦國憑鎮壓問誰能為售靡物可酬答孰嗟
道不行將以補千衲孰憂大厦摧用以支衆庠在昔夏及周相繼登天榻搜索罄
寰瀛異物悉歸狎萬玉會諸塗九鼎安於邾人神為交歡海嶽在呼欲無遠不奔
趨無強不折拉區區霸者君猶能救收投譬夫至音奏所聽纔鞶韞晉強猶一戰
齊盛成九合小邦願輸幣鄰境求盟歆至寶既見用光價日以洽豈若秦與趙爭
璧相蹂躪其下數十代交功事矛甲用捨亦異道盛衰勢相啗得之權綱震失之
基本塌吾君系皇統威稜海隅匝大器固神局衆竒萃緹匣山塊及海靈盡護諸
羅菴揀金磧礫中或不間砂鐵求珠淵泉底或見取麤蛤珉石尚珍藏理寧斥珪
珎其間偶棄遺誠堪為嗟歎或是選擇殊非由道路狹淵哉二君言相投予意恰
誰能借其辯九重貢君闔上以啓聰明次以廣開納冀於涓塵中收拾祕箱笈明

時寧自疑本無雙刑法

送闔祕丞宰雋都

江西劇藩曰南康其山空青水育章環封十里十巨邑邑皆萬室居相望地窮吳
境雜楚粵民生精急於豪強積姦訟徂成俗吏治紛擾多類網緩其銜轡乃縱
弛繩以密網還滋彰中和之政固難立要在教化完隄防爾來守宰尤慎擇長人
之計非尋常儀儀闔君文且敏風韻粹絜含珪璋昨從莞權薦稱最就委墨綬雋
川旁周才治劇有餘地猶以驥驟騰康莊牛刀盡驍解衆理排擊曾未嬰鉅芒聲
華早已擅朝采羣公稱薦交封章况今知己正當路拔擢賢俊登周行謂宜平步
涉清要何乃遠官天一方平時進人用資履詳試政事觀循良毋嗟邑令尚沉滯
昔賢為吏多踐揚漢庭卓魯終作輔孔門言季俱升堂於時百里振嘉譽逮今史
簡傳清芳勉哉達繼數賢迹坐使慈惠流江邦政成賡代奏丹扆行矣臺閣看洞
翔

天禧寺竹

萬箇碧琅玕兩旁蔭潭沼叢深蔽巖麓幹直露雲表利影下交加山房上環繞昔
嘗止鳴鳳今肯棲凡鳥笋抽龍種瘦籜墜孫枝小美勝會稽前珍逾汶陽篠免園

名非奇渭川比終少樵刪草根變客玩茶煙燎創亭僧意高論佛禪心了吾愛有
霜筠一到忘昏曉

一本云每來到霜筠愛玩忘昏曉

寒食後一日作和林秀才

寒食初過一百五陌上風輕飲微雨宮花鋪繡淺深紅蜀柳垂絲千萬縷都人士
女趁時節郡圃山樊樂樽俎肯教容易度春光來日清明更妍煦

暮春與諸同寮登鍾山望牛首

清明天氣和江南春色濃風物正繁富邦人競遊從官曹多暇交朋偶相逢並驅
出東郊乘興遊北鍾陟險不蠟屐扶危靡措筇上登道林祠俯觀群支峯亂山次
阡陌長江遠提封蕭條舊井邑茂盛新杉松攬物思浩浩懷古心顛顛念昔全盛
時茲山衆之宗天都對雙闕霸業基盤龍六朝遞興廢百祀居要衝人情屢改易
世事紛交攻當時佳麗地一旦空遺踪惟有出岫雲古今無變容

首夏即事與邱與權同韻作

朱曦漸永煩暑添薰風當畫甍前檐庭幽門邃塞帷簾景物軒豁又覘覘方池綠
瑩波文恬雨傍森森生葦兼新荷未展排青尖上下交映開鑑奩園林果實繁李
探原野麥秀勝稻稊羣飛衆走羽毛多求陰息影愁烹燭江南鬱蒸非類店時雖

早熱人心懌忻忻笑語喧閭閻言此豐歲將飮饗正陽用事何太廉乃使陰沴相陵詹正當汗浹絺衣粘淒風忽生增繡纈淫霖旬日橫流霑市井郊郭皆淪淹林實墜落誰掄擗麻麥散亂如刪鎌斯民愁嗟言成誦我時憂思坐閒欄方食不知味苦甜整齊几案抽書籤發策一以天人占少陰乘陽時最嫌小人當此多欺儉君子過之難懷謙天道雖遠誠可瞻上曰高明下沉潛四時中分寒與炎一氣不可相併兼推本事理知悉熾災害所起由清漸豈非奸孽當除熾又非直道傷諛諛孰居鼎鼎調梅鹽孰任閭閻懷韜鈴聖皇言動謀於僉布為利澤濡蒼黔將消浸沴頻深感召冲氣安危沾嗟嗟直口不可鉗誰當一探龍頷髯

與諸同寮偶會賦八題

不期而會

況交以勢利君子期久要道義苟契合出處無阻遙龍興雲必從宮鳴商亦調樂哉此席會固非夙相招

待燈

黃昏蝙蝠飛空堂蟋蟀吟相對語未闌不覺更漏侵呼童持短檠注以蘭膏深皎皎見寒光良宵愜予心

坐久月初上

高軒微雨過初夕涼風生兀坐正幽寂雲間月華明移榻向寒堦遙望孤蟾清所思故人遠對此傷予情

邑署獨鶴

常賦士衡雲兼懷惠連雪庭前聞清唳天外見寒月舞愛素琴橫飢思朝露潔問爾誰為羣威鳳在丹穴

府庠小沼

面向秦淮流背枕清溪水當軒觀未足鑿沼近可擬月明練光寒風動漪漣起不用植菰蒲惟將鑒容止

華藏竹

竹性本孤潔況在祇園中經年陰華宇永日吟清風心虛大道合幹直賢人同雪霜任摧挫寒姿獨青葱

秦淮柳

古樹枕淮流橋邊與亭畔借問植秦堤何如在隋岸南朝正佳麗綺陌多攀玩嗟今非昔時榮悴俱可數

登賞心亭

秦淮接長江活活流不已高亭出城角四面盡湍水山川孤雲飛檻閣清風起望遠何所思故人在千里

與邱程凌林四君同賦食河豚

水族誠萬種茲魚非衆儔形龐而味異名與畜豕侔江南春風和乘時沂江流貪婪爾之能腥臊固相投膨膨逞怒腹駢競尖頭靡因梁筍獲護污釜餌求虛傳百金貴不充四時羞假以薑桂芼薦之樽俎酬飽飫有奚適包藏乃為憂嗟予鄙異食顧此偏憎尤河魴風陳詩蝦蟆譏柳州腊毒戒厚味茲言實嘉謀盍投會稽牯更垂渭濱釣一釣蓬山鼇復連東海鰈割鮮輕屠龍和羹小函牛誰同厭若魚何必誇食鱸

遊保寧院練光亭同邱程凌林四君分題用業字韻

寺本梁瓦棺地臨吳建業何人構虛亭勝槩廢危堞巖局豁常開江練靜相協洪濤雖震騰迅流終妥帖達窮滄溟盡近與長淮接水色古今同潮聲朝暮協中間數洲渚來往擎桴楫搖深鳴根喧渡閣孤帆怯到此是安瀾游人無病涉滿檻霽光浮平林風勢獵黃昏烟引素清曉波成褶歸雲閑自飛列岫平如鉅秋岸狎鷗

鳥春城噪批頰園橘冬垂丹隄榆夏飛筴竹徑粉筠墜松梢飴露浥老檜倚軒檐
幹勁如雄俠野花闌黃紫格頑石婢妾離觴歌柳枝江人憶桃葉往事杳難尋欲
問言成喋惟惜建邦都形勝敵岷鄴後人奉三乾敝寺據山脅邑居正佳麗棟宇
爭煒煜山遊驚驚羽池變炙灰劫鳳去臺遂空國移人亦惓惓興衰既代謝榮粹固
相躡幸今明世逢早蒙湛恩浹安堵四民居飽食十僧饑吾儕正閑暇來遊失疲
茶心朋况遨從雲梯屢登躡山川思慮清風雲抱懷愜百里見毫釐萬象入眉睫
南望牛首峯雙闕儼重疊卻視虎路基石城猶發業北阜盤虬螭三山樹矛鉞風
流非昔時事跡看載牒開尊忘醉醒縱論鄙嚅囁念當時值泰豈歎徑未捷經綸
苟韜藏鼎鼐終調燮攬景且留連無為利名攝

詠邱秘校山水枕屏

遠山近山各奇狀流水止水皆清曠煙雲到處固難忘筆墨傳之尤可尚古人銘
枕戒思邪高士看屏助幽况左有琴書右酒尊怠倦勤興時一望

和林成之五題

客來

有客過我門開顏喜相見貧居何以待案上書千卷高論到古人終日自忘勸非

同豪富家綠竹留飲讌

城南

心樂郊原景人應似我稀城南時一到山寺幾忘歸新竹當行徑飛雲戀客衣誰能咏招隱向此息塵機

江上

何處偏傷江上春天涯失意未歸人片雲極望添鄉思孤棹隨波寄客身塞鴈來時憑遠信海鷗馴處見吾真休嗟進取無成去幸有榮名足慰親

西隣

西隣擊鼓北隣聽飲馬持戈密相應一朝奮躍事爭鋒朔氣充盈誇戰勝中原太平日已久刃頓兵閑空細柳二疆款附歲奔馳相載金繒萃淵藪飲肥服煖四十年但欲包藏忘德厚謀夫憤憤壯士憂憂獻忠言曾苦口廟堂高論正無為肯向平時議攻守朔方三十有六郡戶斂家輸佐行陣非無碩畫破妖巢直遣萬里威稜振皇天愛人猶赤子縱欲毆之言亦訥彼方東手聽誓盟重獲歲時費琛賁斯民懷德樂休兵戍卒歸來解鋒刃皆言隣徼復清夷嗟哉強敵終難信

惜別吟